

02-50-6

11-07-2012

BOSNA I HERCEGOVINA
VIJEĆE MINISTARA
Generalno tajništvo

Broj: 05-50-1-1285-2/12
Sarajevo, 9. 7. 2012. godine

BOSNA I HERCEGOVINA PARLAMENTARNA SKUPŠTINA BOSNE I HERCEGOVINE SARAJEVO			
PRIMLJENO	11-07-2012		
Organizacija / Naziv	Ime / Prezime	Redni broj	Broj priloga
02-50-6-16-14/12			

PARLAMENTARNA SKUPŠTINA BiH

- Dom naroda-

SARAJEVO

PREDMET: Odgovor na izaslaničko pitanje, dostavlja se

Vijeće ministara Bosne i Hercegovine je na 12. sjednici održanoj 4. 7. 2012. godine utvrdilo Odgovor na pitanje koje je postavio Staša Košarac, izaslanik u Domu naroda Parlamentarne skupštine Bosne i Hercegovine.

U privitku prosljeđujemo Odgovor radi njegova dostavljanja izaslaniku.

S poštovanjem,

GENERALNI TAJNIK
Zvonimir Kutleša





BOSNA I HERCEGOVINA
VIJEĆE MINISTARA

Broj: 05-50-1-1285-2/12

Sarajevo, 9. 7. 2012. godine

Staša Košarac, delegat u Domu naroda Parlamentarne skupštine Bosne i Hercegovine, na 14. sjednici Doma naroda Parlamentarne skupštine Bosne i Hercegovine, održanoj 19.4.2012 godine., postavio je sljedeće delegatsko pitanje:

Šta Vijeće ministara BiH kao suosnivač Instituta za nestala lica BiH preduzima kako bi se implementirao Zakon o nestalim licima BiH, napominjući da je Zakon predvidio uspostavljanje CEN i da je pri tome rok za uspostavljanje istekao 2009. godine, da organi Instituta za nestale osobe su neligitimni, jer većini članovi UO je istekao mandat, da u Nadzornom odboru su, trenutno, angažovani predstavnici samo dva konstitutivna naroda, da je cjelokupan proces pronalaska usporen i djelimično ispolitizovan.

Istovremeno, napominjem da Ministarstvo za ljudska prava i izbjeglice BiH nije implemmentiralo Zaključak Doma naroda u kojem se traži od nadležnog ministarstva da provede proceduru raspisivanja konkursa za izbor članova Upravnog odbora i Nadzornog odbora Instituta za nestale osobe BiH.

Na postavljeno pitanje, Vijeće ministara Bosne i Hercegovine je na 12. sjednici održanoj 4. 7. 2012. godine, utvrdilo sljedeći

ODGOVOR

Nakon što je u novembru 2004. godine u Parlamentu Bosne i Hercegovine usvojen Zakon o nestalim osobama, te nakon toga potpisan i ratificiran međunarodni Sporazum o preuzimanju uloge suosnivača za Institut za nestale osobe Bosne i Hercegovine između Vijeća ministara Bosne i Hercegovine i Međunarodne komisije za nestale osobe sa sjedištem u Sarajevu, obrazovan je Institut za nestale osobe Bosne i Hercegovine kao nezavisna institucija za traženje nestalih osoba iz i u Bosni i Hercegovini.

S obzirom da je rad Instituta za nestale osobe Bosne i Hercegovine u potpunosti definisan kao rad nezavisne institucije, predviđeno je uspostavljanje Upravnog odbora, Nadzornog odbora te Savjetodavnog odbora porodica nestalih osoba, koji sa svoje strane imaju nadležnost da vrše nadzor nad radom Instituta za nestale osobe Bosne i Hercegovine. Iz navedenog proizilazi da rad Instituta za nestale osobe Bosne i Hercegovine suosnivač kontrolira kroz izvještaje koje podnose Upravni i Nadzorni odbor Instituta za nestale osobe Bosne i Hercegovine.

Također napominjemo da je nadzor nad provedbom Zakona o nestalim osobama opća odredba koja podrazumijeva opći nadzor i izvještavanje u pogledu izvršavanja ciljeva zakona o čemu ministarstvo podnosi redovne informacije kako domaćim tako i međunarodnim tijelima u kontekstu izvještaja o stanju ljudskih prava uopšteno te posebno o pravima žrtava rata kao što je primjerice Izvještaj Bosne i Hercegovine Komitetu protiv torture i sada po osnovu Konvencije o zaštiti svih osoba od prisilnog nestanka koju je Bosna i Hercegovina ratifikovala 30. marta 2012 godine.

Ova tema će također biti obrađena u Prvom izvještaju o stanju ljudskih prava u Bosni i Hercegovini za period 2005 – 2011 godina koji se planira dostaviti putem Vijeća ministara Bosne i Hercegovine Parlamentarnoj skupštini Bosne i Hercegovine do kraja 2012 godine.

Kada je u pitanju problematika Centralne evidencija nestalih – ista je uspostavljena. Prema informacijama koje su od strane Instituta za nestale osobe Bosne i Hercegovine dostavljene Ministarstvu za ljudska prava i izbjeglice Bosne i Hercegovine, Centralna evidencija nestalih broji 34964 imena. Sva imena su u procesu verifikacije. Do sada je verifikovano oko 10000 nestalih osoba. Sve osobe koje nisu verifikovane, ne brišu se iz evidencije Centralne evidencije nestalih nego se prenose u registar neverifikovanih osoba i proces njihove verifikacije je stalni proces.

Vežano za realizaciju pomenutog zaključka Doma naroda podsjećamo da je zaključkom Vijeća ministara Bosne i Hercegovine, sa 117. sjednice, održane, 25. marta 2010. godine, donesena Odluka o imenovanju Konkursne komisije za izbor članova Upravnog odbora Instituta za nestale osobe Bosne i Hercegovine.

Ministarstvo za ljudska prava i izbjeglice Bosne i Hercegovine je pripremlilo Prijedlog odluke u skladu sa članom 6. Sporazuma o preuzimanju uloge suosnivača za Institut za nestale osobe Bosne i Hercegovine ("Službeni glasnik BiH", broj: 13/05 - Međunarodni ugovori), predlažući imenovanje Komisije za izbor Upravnog odbora Instituta.

Na Nacrt odluke o imenovanju jednog člana Upravnog odbora dostavljena je saglasnost entitetskih vlada za izbor jednog člana Upravnog odbora, s time što je Vlada Federacije Bosne i Hercegovine i drugi suosnivač ICMP, podržao i zatražio reimenovanje za ostale članove kojime je u međuvremenu istekao mandat.

Vijeće ministara Bosne i Hercegovine je donijelo izmjenjenu Odluku o imenovanju Konkursne komisije za izbor članova Upravnog odbora Instituta za nestale osobe Bosne i Hercegovine.

Ministarstvo za ljudska prava i izbjeglice Bosne i Hercegovine je postupajući po pomenutom zaključku zatražilo saglasnost od strane drugog suosnivača ICMP, kako je to utvrđeno u članu 6. tačka 5. Sporazuma o preuzimanju uloge suosnivača za Institut za nestale osobe Bosne i Hercegovine ("Službeni glasnik Bosne i Hercegovine", broj 13/05 - Međunarodni ugovori).

Drugi suosnivač ICMP nije dostavio svoju saglasnost po osnovu zahtjeva upućenog 16. aprila 2010. godine i urgencije od 22. aprila 2011. godine.

U cilju prevazilaženja problema Ministarstvo za ljudska prava i izbjeglice Bosne i Hercegovine je pripremlilo Odluku o reimenovanju članova Upravnog odbora i zatražilo mišljenje Ureda za zakonodavstvo Vijeća ministara Bosne i Hercegovine, po osnovu kojeg je Vijeću ministara Bosne i Hercegovine dostavljena dopuna izjašnjenja na Prijedlog Odluke o reimenovanju članova Upravnog odbora Instituta za nestale osobe Bosne i Hercegovine.

Prijedlog odluke o reimenovanju članova Upravnog odbora Instituta za nestale osobe Bosne i Hercegovine je razmotrio Odbor za unutrašnju politiku Vijeća ministara Bosne i Hercegovine, na 75. sjednici, održanoj 12. aprila 2010. godine, i sugerisao ministarstvu da obavi razgovor sa drugim suosnivačima, ICMP i upozna je sa Odlukom o imenovanju Konkursne komisije za izbor članova Upravnog odbora Instituta za nestale osobe Bosne i Hercegovine, koja je donesena na 117. sjednici Vijeća ministara Bosne i Hercegovine.

U skladu sa Zaključkom Odbora za unutrašnju politiku, obavljen je razgovor sa direktoricom ICMP -a ali i pored toga drugi suosnivač nije promijenio svoj prvobitni stav iznesen u pismenom odgovoru od 24. septembra 2009. godine.

Vijeće ministara Bosne i Hercegovine je na 156. sjednici održanoj 28.7.2011. godine, donijelo Zaključak kojim je zadužilo Ministarstvo za ljudska prava i izbjeglice Bosne i Hercegovine, da u skladu sa zakonom pokrene procedure izbora i imenovanja Upravnog i Nadzornog odbora Instituta za nestale osobe Bosne i Hercegovine.

U vezi sa Zaključkom sa 156. sjednice Vijeća ministara Bosne i Hercegovine, Ministarstvo za ljudska prava i izbjeglice Bosne i Hercegovine se u cilju ispunjavanja člana 6. tačka (5) Sporazuma o preuzimanja

uloge suosnivača za Institut za nestale osobe Bosne i Hercegovine, (Sl. glasnik BiH – Međunarodni ugovori, broj:13/05), obratilo Ministarstvu pravde Bosne i Hercegovine, Ministarstvu civilnih poslova Bosne i Hercegovine i Međunarodnoj Komisiji za nestale osobe (ICMP) za dostavljanje prijedloga imenovanja tri člana Konkursne komisije za izbor i imenovanje Upravnog i Nadzornog odbora Instituta za nestale osobe Bosne i Hercegovine.

S obzirom da drugi suosnivač Instituta za nestale osobe Bosne i Hercegovine, Međunarodna Komisija za nestale osobe nije dostavila tražena imenovanja Ministarstvu za ljudska prava i izbjeglice Bosne i Hercegovine, a na osnovu zahtjeva upućenog dana 10. 11. 2011. godine, nije mogla da se nastavi daljnja procedura konsultacija sa vladama entiteta i Brčko distrikta Bosne i Hercegovine u cilju imenovanja članova Upravnog i Nadzornog odbora Instituta za nestale osobe Bosne i Hercegovine.

Uzimajući u obzir način izbora upravljačkih, nadzornih i rukovodnih organa u Institutu za nestale osobe Bosne i Hercegovine, dana 04.06.2012 godine, održan je sastanak između predstavnika Ministarstva za ljudska prava i izbjeglice Bosne i Hercegovine i Međunarodne komisije za nestale osobe u cilju prevazilaženja nastalih problema.

S obzirom da su na pomenutom sastanku predstavnici Ministarstva za ljudska prava i izbjeglice Bosne i Hercegovine upoznati sa novim stavovima Međunarodne komisije za nestale osobe u vezi budućeg statusa i funkcionisanja upravljačkih, nadzornih i rukovodnih organa Instituta za nestale osobe Bosne i Hercegovine, zatraženo je pismeno dostavljanje iznesenih stavova nako čega će kompletna informacija biti dostavljena na uvid Vijeću ministara Bosne i Hercegovine od strane Ministarstva za ljudska prava i izbjeglice Bosne i Hercegovine kao nadležnog ministarstva za koordinaciju ovih aktivnosti.

Smatramo da će se nakon pismeno iznesenih stavova Međunarodne komisije za nestale osobe stvoriti pretpostavke za otpočinjanje neophodnog dijaloga između suosnivača Instituta za nestale osobe Bosne i Hercegovine u vezi uspostave njegovih upravljačkih, nadzornih i rukovodnih organa.